


18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43

5492160

862



117-4




469

862

11





金石之有例所以寓哀貶於筆削辨體制於文章爲法天下後世而傳之永遠者也自元潘蒼厓取韓柳二家之文爲金石例十卷明王止仲廣之以唐宋十五家爲墓銘舉例四卷本朝黃梨洲以潘書未著爲例之義與壞例之始作金石要例一卷可謂勤且備矣顧二家僅折衷於文集未搜羅夫碑版唐宋人之集之文不皆施之祥金樂石者也竊謂碑誌之例當追其所自始濫觴於漢魏沿流於唐宋至元而體乃壞昔朱竹垞檢討嘗欲看隸釋隸續所載著爲例以補三家之缺而未果近人緝有金石例補猶檢討志也惟其書卷帙簡畧滲漏尙多今久有志於斯事歸田銷夏之暇盡搜商周秦漢魏晉六代五季唐宋及海東諸國金石之文條分類聚溯

國朝
每五
冊
四
冊
刻
本
卷
四
類

例
綜
石
金

其源而討其流衷其至當者成金石綜例四卷而集刻之文
不與焉凡有可與三家互証者參之所已言者畧之庶幾貞
珉之垂足以攷古而信今而於金石之義爲不備也第荒陋
寡學篋衍不富知不免挂一漏萬之譏續有所得當入於補
例云爾道光七年歲在丁亥秋七月嘉興舊史官馮登府自
序

金石綜例卷一

小長蘆舊史官馮登府纂



書世系

漢樊安武班袁良劉熊度尚張納柳敏諸碑

樊安碑湖厥祖仲山甫武班碑湖武丁分析得氏之由袁
良碑書厥先舜苗歷叙陳轅立姓劉熊碑書厥祖天皇度
尚碑云其先出自顓頊至張納碑云二十八舍有張宿柳
敏碑湖柳星則不經之甚

書遠祖不書二代書父不書曾祖

漢孔宙孔哀鄭固諸碑

孔宙碑云君諱宙字季將孔子十九世之孫也文中不叙
三代孔哀碑云孔子廿世孫泰山都尉之元子孔彪孔謙
碑並同按元子長子也哀卽宙子俱以孔子冠之而此書

金石錄卷一
其父不及曾祖鄭固柳敏二碑亦只書父殆書其顯者耳
今人作墓誌必備書高曾子姓非古矣

書祖父官爵書名不書名并書兄書從父

漢夏承侯成孫根

元賓蔣君諸碑

夏承碑云東萊府君之孫大尉掾之中子右中郎將弟也
書三代不及曾應無官爵可書也不書名者蓋爲子孫作
碑不欲名其祖考然如三景碑并其立碑者名亦諱之致
使後人莫考侯成碑云君則上黨太守之弟并不書三代
孫根碑云司空公之伯子樂安太守之兄子漢陽太守侍
御史之兄乘氏令之考蔣君碑君之祖考爲交州刺史從
父交州太守此同官交州而連及之也元賓碑云魯相之
孫成德缺東安平令北海相缺守之弟子中牟令兄子譙
敏碑云鄴君之中子章君之弟郎中君之昆郭究碑君則
元城君之孫雒陽君之適南和尚書濟北軍中臨沂徐州
中山君之從子也則書法又一變矣從簡從繁古人並不
拘體後人援此爲例也

書三代名字官秩并書伯叔祖

漢熊君碑

隸釋云漢人叙先世但云某君之孫某君之子既不名其
父祖亦不著其德美此碑獨異於他刻高祖之間又有祖
父旻其文缺蓋伯叔祖也祖之下云君喬字漢舉喬上亦
缺一字必父也按書伯叔祖列於三代之間高曾祖但書
名并官位父並書字亦章法之異碑又書同產弟望季公

質惟慷慨史魚之直吏功曹列掾督郵都梁長早終長子
備孝存姿操敦良耽志好學博覽雅藝□三奏辟召于州
終云云則又及其子弟之名官秩存沒書之費汎碑亦書

二子名及官此例之正者

金浦公禪師塔記

叙先世稱字不稱名

碑稱俗姓馮氏五代宰相可道六世孫可道即馮道之字

叙先世稱字亦一例

叙三代先書考

唐庾賁德政頌

王氏昶曰凡碑誌之例多自高曾順下此則自考上溯曾

祖又一例也

三代皆叙於文末

唐韓昶自為墓誌

碑末云曾祖獻素祖仲卿父愈云云叙先世于文後亦一

例也

稱父為君

唐顏氏宗廟碑

此碑魯公為其父立碑而碑題曰顏君文中亦屢稱君亦

一例也

二名書一字叙三代不全

北魏司馬景和墓誌銘

授堂金石跋云誌稱君諱兩字景和晉武帝之八世孫淮

南王播之首孫魏平北將軍固州鎮大將魚陽郡宜陽子

興之子播即叔璠興即元興而名字獨用截裁又歷叙曾

祖及父獨于祖缺不錄未解臨文者何所謂也余案書三

代而不及祖畧也漢人每如此

書同姓遠事而不及三代

漢張遷碑

碑鋪揚張氏事累數百言而云爰及我君絕不書及三代又袁良碑歷叙得姓封國事百六十餘言及其曾祖而畧其祖父以無爵位可書漢碑每有此例

多叙先世官爵本事從畧

漢雍勸闕碑

金石錄云其前歷叙家世官爵而所述雍君事甚畧隸釋曰漢代銘墓所叙人之上世未嘗書其名諱此碑載雍君父祖諱兄名又有字其官秩甚詳而雍君事跡則甚畧趙氏以此爲碑而謂前十字爲闕

前題漢故趙國相雍府君之闕十字

多叙先世銜名

北魏司馬元興墓志

王氏昶曰此文序與銘共約三百字而叙先世銜名居十

之六叙司馬元興本事只夙稟明穎纂承徽烈洪業方隆生志未遂十六字而已下叙卒葬年月未云記之後有銘詞不加銘曰二字皆與他碑異式又云炙轂子曰齊王儉云石誌不出禮典起宋元嘉中顏延之爲王球作石誌以其無銘誅故以紀行自爾遂相祖習蓋南朝禁墓誌故僅載其官爵不叙功勳又按三代時廟碑以麗牲墓碑以下窆故各有圓穿而無文字世所傳孔子題吳季札墓碑僞妄殆不足信嬴秦石刻亦皆摩崖爲之未聞別豎碑石也西京雜記謂前漢杜子春臨終作文刻石埋於墓前博物志載西京時南宮寢殿有醇儒王史威長葬銘此實誌銘之始今皆不傳王史威長之銘止八句三十三字則亦如

趙歧刻石僅識時代姓名之類東漢碑額皆書某君之碑
惟曲阜孔君碑出於墓中額止孔君之墓四字其卽如後
世之墓志與然叙事文頗簡質與他漢碑無異蓋志石高
不過二三尺橫亦如之壙中爲地甚隘所容止此故其爲
文不過畧叙生平梗槩使有陵谷變遷之日後人可以識
其墓處覘其行誼而已若文繁卽不能大書深刻刻之亦
易致磨泐固與神道碑墓表墓碣舉事直書暢所欲言者
其例各殊矣又曰嘗取前代諸碑志攷之有載遠近祖父
世系及弟兄妻子並子孫女孫女叙述不同葬地有書有
不書或書而不詳或不書卒時年月或不書葬時年月而
所配合葬亦詳畧互異推其故漢魏時墓志墓碣等文原
無程式晉宋齊梁各代又少刻石之事獨北魏人頗多志
墓者然其時屢經喪亂地盡邊圉所志者大抵武臣悍卒
或出自諸蕃而田夫牧豎約畧記之其書法不參經典草
野粗俗無足怪者卽隋唐諸志其撰文察書不必定爲通
儒煩蕪鄙陋之作雜出其間不能盡足爲例也

序三代但書爵不書名

東魏司馬昇墓志銘

王氏昶云曾祖彭城王祖荊州但書官爵不書名與高湛
碑同是當時誌銘之一例父字下缺三字想亦是官位可
知按此僅書官爵蓋昉於漢景君關銘

書祖父官弁書行誼不書名

漢景君關銘

碑云祖父河南尹父步兵校尉業門徒上錄三千餘人衡

方碑君之烈祖少以儒術安貧樂道云云

備書祖父名字 楚良臣鍾

阮氏元曰此器蓋兒所作以祀其祖義者余迹斯于其父名字也茲俗義之字備紀祖父名字創見此銘

紀功碑多敘三代如墓誌例又生存稱諱 漢曹全碑

碑為王敞王畢等紀景完之功刊石詞而多敘高曾祖世系又云君諱全生而曰諱集古錄謂樊毅碑太守生稱諱趙氏明誠曰卒哭而諱其名實始於周生死皆稱諱西漢已然矣按漢宣帝始詔諱御名

季祖母 漢曹全碑

碑有收養季祖母之文王氏昶謂即庶祖母錢氏大昕云古人稱父之少弟曰季父則祖之少弟亦可云季祖矣季祖母猶今人稱叔祖母與此碑銘詞後空二三行許然後書年月一行又復書於行末碑陰處士岐茂一行獨超上一格書之以見漢世處士之尊不與掾吏並列也

稱曾祖為高祖 漢雍勸碑

隸釋云九江乃資中曾祖謂之高祖者似指其子言之後世子為父行狀書父之父為王父王父之父為曾王父之類皆本共子而稱之黃氏金石要例非之不知漢時已有之矣

生前稱考妣稱嬪 漢仲秋下旬碑

碑云背爾嬪儷爾正父為考母為妣嬪婦也郭注引詩書

金石錄卷一
大傷厥考心聿嬪于京明非死異稱又冀州從事碑哀哀考妣追惟實靈卜商號眇喪子失明考妣亦稱於生前此碑肯爾嬪儷皆祖爾正之說曲禮之說蓋出於漢儒後起也

追孝父母

周郭敦

銘有追孝父母之文當作考妣而曰父母者知曲禮生日父曰母死曰考曰妣其說皆後起也

曾祖爲曾父

唐元奘法師碑

碑書曾祖爲曾父錢氏大昕曰潘昂霄金石例所未聞也

曾侯

楚曾侯鍾

此曾侯是其遠祖阮氏元曰曾義爲重亦爲高凡先祖皆可稱曾祖曾侯猶先公也

高門曾門門子

唐段行琛碑

碑書高祖曰高門曾祖曰曾門稱長子曰門子門子本左傳又比邱尼惠源墓誌曾祖爲曾門大父

書祖之父爲大人

唐劉元尚墓誌

碑云年月日定某處大人舊塋合祔禮也

三代皆書夫人并書夫人之父諸子不盡書銘詞後別敘夫人北魏刁遵墓誌

錢氏大昕云遵有子十三人誌惟云小子慙等不及諸昆弟之名蓋遵沒時慙兄楷尚俱已先卒古人文字之質而簡如此而諸弟姪亦不以不列名爲嫌又徵古風之淳厚

也余按誌列三世高曾祖名字官爵弁及其夫人郡氏又及夫人之父似後世行狀之式而更詳焉而銘詞後別云夫人同郡高氏父允侍中中書監司空咸陽文公皆墓銘之變例又按遵之卒愍時爲驍騎將軍而志不書其官又從簡也

大王父

唐裴光庭碑

稱曾王父爲大王父

泰夫人

漢魏元丕碑

碑言遭泰夫人憂卽太夫人范蔚宗避其父諱後漢書無泰字漢人書碑凡太字皆作大此碑作泰其用字相反如此唐贈孔子泰師碑卽太師漢劉子山碑稱大夫人

稱他人父曰先父

唐李光進碑

稱其父曰先父又曰先君母史氏曰先夫人王氏昶曰撰文人稱他父母亦可加先字又旬有八日有字下多書者字旁用點抹去

稱人之妻曰內子

唐

部將軍功德記

記云與內子樂浪郡夫人黑齒氏撰文稱人之妻曰內子記其子弁及其婿王氏昶曰與他碑異例

三兄四弟具書官位而不名

漢郭仲奇碑

碑書君惠兄竹邑侯相次尙書侍郎北齊相順弟臨沂長次徐州刺史次中山相次雒城令歷書兄弟官位而不名加順惠二字葢美之之詞集古錄云前世碑碣但書子孫

金石錄卷一
不及兄弟惟郭氏碑載其兄弟甚詳又碑末云聞兄疾病率爾逝將念妨弟路遜位恬榮又以見一門孝友之誼故備書之耳

父兄卒後稱其官

漢武榮碑

碑敘武君家世父兄於卒後稱其父兄之官而不稱名又稱其年卅六及其遭桓帝喪卒而不書某年月日謝滄湄云君之卒當在靈帝未改元之前故不書年也

書兄之子爲後

漢郎中郭君碑

隸釋云碑言惠兄仲犀又曰元兄繼世而有爲人後者爲之子之文蓋郭君以兄之子爲後也

元弟元孫

漢司隸校尉湯淮表紀

隸續云凡稱元姪元子元兄元舅之類皆以長言之二楊俱曰元孫猶元士然以元爲美稱也按紀又稱元弟金石錄補云隸伯未登三公之位而卒故稱元弟以美之

族叔

唐裴道安墓誌

碑標族叔禮部員外郎肫撰兼書

碑書舍弟

唐臨高寺碑

碑首列常允之撰弟一行云舍弟某□又次行□弟常選演之書兄稱其弟曰舍弟始見於此

自稱其弟曰吾令弟

唐霍夫人墓誌

稱其父曰皇父稱其弟曰吾令弟

稱人之弟曰令弟

唐周文遂墓誌

碑云合弟二人某某

兼敘夫人三代 唐于志寧碑

碑兼敘夫人三代蓋志寧與夫人合葬也始見於此

夫婦合葬題不書夫人 唐李文墓誌

誌敘李君與夫人合葬而標題獨書李君唐人墓銘之例
不苟爲牽連如此王氏昶曰夫婦合葬同作一碑始見於
此

妻合葬子耐葬 漢夏堪碑鄭固碑

夏堪碑云媵會謝氏弁靈合柩此夫婦合葬例也鄭固碑
云大男孟子有楊烏之才七歲而夭故建 共墳配合斯
壇蓋子耐葬者亦一例也

碑末書夫人卒書弟卒 漢侯成碑馬江碑

碑末一行云夫人以延熹七年歲在甲辰十一月三日庚
午遭疾終顧亭林云此後人弁志夫人之始馬江碑亦同
又書其中弟早歲短折隸釋曰當是因夫人卜兆以馬君
共塋又同時改厝其季故作碑弁言之其云東看祖禰西
瞻舊廬可見其瘞以昭穆也

夫人未卒而碑特敘行事 唐郭君碑

碑云夫人王氏令望江東派流弁部內睦六親外諧九族
痛長城之永別淚染湘川悲瀧水之分流更成嗚咽則夫
人尙在而碑文敘之亦創例也

婦人墓銘 晉任城太守孫夫人碑

金石錄卷一
洪景伯曰漢婦人墓銘見於文士集中不一石刻存者獨此一碑耳書任城太守不書姓名亦前此未有按此與隸釋所錄司農劉夫人碑廣漢屬國侯夫人碑同例皆以夫之官位統之而不著夫之姓名也若北魏揚州長史南梁郡大守宜陽子司馬景初妻墓志銘則并其夫之姓氏書之唐人則并其妻之姓氏書之如昌黎監察御史元君妻京兆韋氏夫人墓志銘之類

夫人墓志行事於銘中見之

漢廣漢屬國侯夫人碑

碑首敘夫人節行絜靜早失數語卽系以詞俱四言韻

語其云臧侯苗焉知其姓臧也男三女二則所出也歲在大淵獻精魂奄則所卒之歲也歷敘姓氏孝養子女於銘語中後又系以歎日用兮字助聲其云壽十二子九九期書年壽也云蘭芷亡兮喪芝英則其子女有亡者云杞之至今感動城則夫早亡也俱於歎詞寓之昌黎房使君鄭夫人殯表大理評事胡君墓志盧渾墓志所本

夫人墓誌標題直書其夫之名

唐許夫人宋氏墓誌

碑題大唐故冠軍大將軍代州都督上柱國許洛仁妻襄邑縣君宋氏墓誌以夫冠妻正例如此直書其夫之名是一例也

夫人誌銘不敘夫姓

周杜夫人墓誌

碑題故司稼寺卿上柱國缺杜夫一生墓誌誌中無一語及其夫家族碑題但存其夫官銜缺其名姓故無從知

其所歸何氏亦志銘之疎畧也

誌夫人書其伯叔及兄

唐盧公夫人崔氏墓誌

碑又書其伯叔及兄武氏億曰金石例冗濫牽附無過斯者非可爲式也昌黎集賢院校理石君誌云娶彭城劉氏女故相國晏之兄孫則及妻之叔祖中大夫陝府左司馬李公誌則書妻之曾伯父皆同例

夫人書嫡不書庶

宋韓國華神道碑

此爲魏公之父碑後稱國華娶羅氏考魏公有太夫人楊氏墓誌魏公生母國華之側室也碑不附書以嫡統之此一例也黃氏要例謂唐人於婢妾所生之子書其子不書其母然柳河東秘書郎姜君墓志云子某年若干母曰雷姬則唐人固有書妾者矣宋劉使君墓志云所生母湯氏夫人卒稱捐館

唐吳達墓誌

碑云夫人萬氏捐館於前里第

夫人稱君

唐殷府君夫人碑

碑書錢唐丞殷君夫人顏君之碑婦人稱君殆仿於小君之例梁王繩誌銘廣例曰司馬溫公敘其夫人清河郡君張氏稱之曰君東坡七妻王氏誌銘亦稱君王介甫撰其妹王氏墓誌亦稱君

妻遺命不願合葬

唐吳文碑

碑云公夫人之顧命願不合於雙棺考史載高力士娶呂元晤女李輔國娶元擢女皆奉敕爲之李輔光碑夫人輔

金石錄卷一
氏子四人官娶妻已見於後漢劉瑜傳周舉傳不獨唐也類皆抑良家女以爲胖合詎可以同穴之禮責之文妻之不願合葬宜矣李氏遇孫曰文身踐五朝奏乞骸骨度其時已七八十歲人而碑稱其夫人有圓姿替月潤臉呈花之語先文卒必文以垂暮之年尙強娶良家子爲妻致其抑鬱而歿故遺命不願合葬吾讀是碑而愈見唐之內侍娶妻皆權勢逼勒而得之非出於本人之所願也遺命不

合葬亦金石中創例

合葬并題夫人

唐馬恒郝氏二夫人墓誌

碑題唐恩州永濟縣故馬公郝氏二夫人墓誌銘篆額止墓誌銘三字下別刊附志二字王氏墓銘舉例謂婦人從

夫合葬不書某氏此唐以前皆然顧氏金石文字記載有垂拱四年澤王府主簿梁府君并夫人唐氏墓誌銘大中十二年滎陽鄭府君夫人博陵崔氏合附墓誌銘與此碑同例已見於唐舉例未及詳考耳此碑額更例之變者又文中敘夫人姓氏僅云以開成六年正月十三日與二夫人遷葬於故塋豈二夫人同姓郝抑夫人行二皆莫曉所謂此碑多脫譌字

元室

唐常袞叔父員外郎志銘宋汪藻衛靈敏滕子濟墓志初

妻稱元室

元娶

宋范子嚴墓誌

碑云元娶馬氏繼娶朱氏

相妻

北魏張相隊造像記

記稱相爲眷屬造天尊一區後稱道士張相隊相妻姚

姬

女稱姓而不名

唐彌勒像碑

碑題名稱清信女者數人皆姓而不名錢氏大昕曰蓋女而未嫁者按清信女清信士已見六朝昌黎息國夫人墓志書姓不書諱舉例謂婦人重在姓也

少子小弟

漢督郵斑碑

碑云司吾君少子尙書之小弟

書子孫

楊著碑書長子牧富波侯相次讓趙常山相次秉實能繼修復登上司陪陵京師次奉黃門侍郎牧子統金城太守沛相讓子著高陽令皆以宰府爲官書四子二孫名并官可徵一門之盛又故民吳公碑中有本有三息之文而不書名似三子已死故不書名費汎碑書二子慕鳳并所終之官孫均因立碑而書熊君碑書長子而不名郭輔碑書四男三女而不名惟季女稱名并書潁川之夫人則適于陳也以其立碑故書之

碑書子女及壻於銘詞之後子皆作息女皆作息女

北魏懷

令李超墓誌銘

武億偃師金石遺文記云子皆作息史記漢高祖本紀臣

有息女正義曰息生也東觀漢記蓋我子息也誌蓋本此書子女而并書壻牽連之文則愈煩贅矣余按書子作息已見於漢吳公碑此碑書子女各著其年女夫各著其官皆在銘詞之後此後人書女子所適之例唐殷君夫人碑六女皆詳書適某某宋王公儀碑女孫女皆書所適之姓名官秩婦人重所適故書之子婦漢例不書唐宋間有書者元則無不書矣

女亦稱士

北魏路僧州造象記

記云清信士路僧州爲亡夫造釋加象一區宜稱女而稱士豈當時通稱耶亦例之創

書子名字并官秩

漢田君碑

碑云不幸早終白勝字升臺少爲縣功曹郡曹洪氏曰勝字升臺者其次子也不幸早終者其冢子也書子名字并官始見於此

子女書於碑陰

漢孫叔敖碑陰

碑陰書相君有三嗣長子少子中子書官而不名次書世伯子治產於績虛字而不名有六男一女大次書子三四五書次第俱字而不名此績宗六父也又書孝伯子治產於材虛字而不名亦有六男一女長書大子二三四五俱稱次第亦字而不名此材宗六父也按此世伯孝伯當是叔敖本支二分遷於他處故言績族宗材宗并及其子女後世行狀歷敘其人之伯叔兄弟本支仿此例也惟長

子稱大子次弟蒙長子而稱亦創例也此碑爲段光官於叔敖之鄉訪問遺苗興廟立碑以其雲來長幼之序仕學生產之實刻於碑陰亦例之創者陳伏波將軍陳府君墓誌序碑陰列書叔氏兄弟息女并書名字及女所適之人末一行云君妻瑯琊諸葛氏本孫叔敖碑陰例也

妻子女列在前

唐劉公墓誌銘

李氏遇孫曰起敘祖及父母後直接妻張氏先終公有二女長適田氏次適張氏二男曰壽郎先逝次日齊宴年十二亦墓銘之變

敘子孫於前末乃敘母妻及子與孫女

宋韓家道墓志

碑首敘官秩諱字年七十有一卒於位卽繼以三子曰瓌曰瓌曰珙皆敘官爵前死一孫曷後乃入公本事文末敘母劉氏妻聶氏并詳追封一女三孫女并書所適乃系銘曰云云此亦例之創者

度三人出家

唐許洛仁碑

碑於詔策陪葬昭陵後云一人爲其檢校并度三人出家以追冥福諡曰勇公禮也碑於子姓著可考三人不知何人度之出家亦他碑所無

四品孫五品孫

唐梁府君碑

碑書四品孫五品孫蓋公蔭孫之品級也

曾孫元孫但稱曾元

漢尹宙碑

碑云君東平相之元會稽太守之曾富波侯相之孫守長

社令之元子宜稱曾孫元孫而去孫字亦書法之變唐殷君夫人碑但稱曾元昉此

子壻 唐弟五公等題名

碑有子壻虞當葺壻通字關中金石記云子壻之稱自此始

女亦爲子 唐孔紆墓誌

紆只一子鍊婢而碑云二子女亦爲子也

令嗣 唐劉遵禮墓誌

碑敘曾祖事實連及令嗣此稱遵禮之父也

喪祭古但稱哀子 晉元康輓

輓文曰元康九年八月癸未朔八日庚寅哀子楊猛造阮

氏元日禮祭稱孝子孝孫喪稱哀子哀孫士虞禮記三稱哀子某至末始稱孝子某注云喪祭稱哀稱孝者吉祭此輒置於墓內爲葬時所用故稱哀子後人加之區別父沒稱孤母沒稱哀不合於古矣

者姪士女 漢郭究碑

碑云者姪士女嗚悒惟慙孤嗣叫號涕零如雨後云敢慕衛悝讚先之義伐石興碑蓋子姪輩爲立碑者是長稱猶今稱老姪

義男 唐楊歷碑

歷爲思勛之父碑前行云義男鍾紹京撰并書趙明誠曰父事闔閭又著之金石無恥甚矣義男二字始此

婦人墓銘以父爵冠之 唐馮氏婦墓誌

李氏遇孫曰碑額題唐將作監主簿孟友直女墓誌碑云
年十九適馮而不書名後云惟父與母恩深骨肉痛切哀
憐方備儀於幽隧用留念於終天廼爲銘曰云云則必是
其夫已亡其父母爲之營葬立碑故以父銜統之

父銜冠子

唐豆盧君墓誌銘

碑題故駙馬都尉衛尉少卿息豆盧君李氏遇孫曰豆盧
君名遜父懷讓遜爲懷讓第三子卒年一十有七未授官
職故以父之官職標題而曰息亦金石變例也

以夫銜冠妻墓誌銘

唐夏侯氏墓誌銘

碑題唐山南東道節度惣管充涇原防秋馬步都虞侯正
議大夫檢校太子賓客上柱國趙公亡夫人譙郡夏侯氏
墓誌銘

以故父官銜冠子墓誌銘

唐梁君墓誌銘

碑題大唐故朝散大夫金州西城縣令息梁君墓誌銘李
氏遇孫曰此碑與豆盧遜墓誌銘一以存父一以故父皆
因已不得官爵之故梁君名嘉運歿年已四十有四與妻
陳氏合葬

碑書里居姓氏官秩不同

按漢碑多先書名字次里居姓氏次行誼官秩壽年卒日
此一定律也有書姓名不書君諱者如孔謙碣孔謙字德
讓是也孔彪嚴訢二碑同有以官秩冠姓名者如相河南

史君諱晨漂陽長潘君諒乾是也不書姓如武榮碑不敘
先世中云遭疾隕靈君即吳郡府卿之中子敦煌長史之
次弟也在銘詞前數語處士金恭碑書生諱恭亦創例也
又晉張平子碑首云河間評衡字平子先書里居
姓名書於敘文之末 宋范子嚴墓志

碑於敘文之末云子嚴字也諱莊姓范此下接銘曰此一
例也

不稱君諱

漢督郵班碑

碑首云督郵諱班字翁不曰君諱

書諱不書字書字不書諱

唐張安生墓誌

王氏昶曰此碑但稱諱安生而不及其字與張希古碑但
稱字而不及諱皆行文之畧又希古碑有書人而無撰人
此碑書撰人皆無亦皆刻誌之變例未必取法於漢也

碑不書名

漢郊令景君闕銘

碑首云惟元初四年三月丙戌郊令景君卒通篇不載其
名碑為諸生服義所立殆不敢斥言之也又謁者景君北
海相景君三景碑皆不著其名字

文內不敘諱字於敘末銘前別敘

宋王公儀碑

碑文內未及諱字於敘末銘前別為銘曰有宋達德君子
王公諱公儀字子嚴之碑下接銘曰此例從古所無

書諱低二格

唐充公頌

碑書李公諱庭誨諱字下空二格亦例之變

婦人不書諱字

唐汝南公主墓誌銘

碑云公主諱字隴西狄道人皇帝之弟三女也不書諱字韓昌黎息國夫人墓誌不書諱王氏舉例謂婦人重在姓故或畧之也韓集楚國夫人墓誌扶風郡夫人墓誌柳河東趙郡李夫人墓誌陳君夫人權厝志王荆公楚國太夫人陳氏墓誌永壽縣太君陳氏墓誌并不書諱字本此例也

奉敕撰文不避諱

唐幽州昭仁寺碑

唐碑多避諱惟此碑世字五見不避或奉敕撰文不避與又此碑不著書人姓名

碑不書姓君公分稱

唐張琮碑

碑不書姓畧也文於諱上稱君以下并稱公君公互稱亦一例也黃梨洲謂名位著者稱公名位雖著同輩以下稱君亦未確

字稱一字

唐李文墓誌

碑不書姓以有篆額也云君諱文字緯朱氏彝尊云東漢以後字必以兩字稱一字者罕矣舉唐書房元齡字喬顏師古字籀等十一人外不見余按晉以後名字不分或以字行故字與名皆諱之隋唐人類以字行元齡師古疑是字非名也唐李氏三墳記有三子曜卿字花仲叔之名缺亦以一字字者

子孫敘上祖并直書其名

唐顏氏家廟碑

顧氏金石文字記曰碑文自父以上并直書其名而加諱字其他伯叔羣從悉名之予讀張燕公集有唐贈并州刺史先府君碑首曰府君諱鷹字成鷹范陽方城人也又有周通道館學士張府君墓誌乃說之曾祖也首曰君諱弋字嵩之范陽方城人也又曰君卽太常卿隆之曾孫徵君子犯之孫河東從事俊之子又有唐處士張府君墓誌乃說之祖也曰曾祖徵君諱子犯祖河東郡從事諱俊父通道館學士諱弋并直書其名而加諱字唐文粹載陳子昂我府君有周居士文林郎陳公墓誌文曰公諱元敬字某五世祖太學生高祖方慶方慶生曾祖湯湯生祖通通生皇考辯又有梓州射洪縣武東山陳居士墓銘序曰君諱嗣字宏嗣太樂卽君之高祖父也生曾祖方慶生祖湯生皇考迥君卽迥之第二子也并直書其名惟父加一諱字劉禹錫集有子劉子自傳曰曾祖凱官博州刺史祖鏗殿中丞侍御史父諱緒浙西鹽鐵副使贈吏部尚書亦惟父加一諱字白居易集有故鞏縣令白府君事狀曰高祖諱建曾祖諱士通祖諱志善父諱溫公諱鏗卽居易之祖又曰長子諱季庚襄州別駕事具後狀其襄州別駕府君事狀曰公諱季庚字某鞏縣府君之長子卽居易之父李翱集有皇祖實錄一篇首曰公諱楚金蓋古人臨文不諱而子昂禹錫自祖以上不加諱字又所謂不逮事王父母則不諱者也今人自述先人行狀而使他人填諱非古也

填諱題諱

錢氏大昕曰周益公跋初寮王左丞贈曾祖詩末題通直郎田橡填諱則宋時已有之又云余後見徐季海墓碑其子峴書志題表姪河南府參軍張平題諱知唐時已有他人填諱之例亭林考之未博耳

僧冠以姓

唐杜順和尚行記

碑書僧以杜姓與襄大智碑張禪師墓誌同例

碑題冠以郡邑

漢劉曜碑

額書漢光祿勳東平無鹽劉府君之碑隸釋云漢人銘墓以郡邑題其首者惟此一碑余按陳實碑額云故太丘長穎陳君壇亦兼書郡名又唐潘府君墓誌碑額云唐故吏

部常選廣宗郡潘府君墓誌銘王氏昶曰從來未有以郡望冠其姓而題於墓誌前者此爲異例又唐何長史碑題云唐臨江郡故何長史府君墓誌唐趙叡冲碑題云唐故同州河西縣丞贈虢州刺史太常卿天水趙公神道碑唐杜氏墓誌題唐朝散大夫試絳州長史上柱國趙郡李君故夫人京兆杜氏墓誌銘又唐故穎川郡陳府君墓誌唐寧遠將軍隴西李公墓誌皆此例也

墓銘稱先生

唐周處士程先生墓誌

李氏遇孫曰碑稱其夙崇三業妙洞一乘然智炬於心田則迷途自朗泛慈航於慾海則彼岸攸登蓋夙逃於禪不營官職一放曠無爲之人也通體亦稱爲先生余按稱先

生類有道之士如漢元儒先生碑歐陽文忠徂徠先生墓誌胡先生墓表柳河東陸文通先生表舍官而稱先生尊之也

稱公

漢劉寬碑

漢碑多稱君此獨稱公或以寬爲三公也故稱公然吳仲山碑以故民而稱吳公恐是通稱也

君稱臣爲公

唐李勣碑

唐高宗撰李勣碑稱勣曰公

君稱臣爲友

周庠父鼎



銘曰惟女率我友以事阮氏元曰友謂臣僚也詩旣醉鄭箋朋友謂羣臣同志好者也書酒誥曰太史友內史友是臣僚得稱友也此君錫命之詞

郡國守相得稱府君

吳葛府君碑

額書吳故衡陽郡太守葛府君之碑錢氏大昕云衡陽孫吳所置郡漢世稱郡國守相爲府君魏晉猶然予收藏孫吳石刻如谷朗及此碑皆以太守故得府君之稱非如後世之泛用也余按漢梁相費汎碑亦以相而稱府君此漢例也黃梨洲謂耆舊稱府君如昌黎董府君獨孤府君之例蓋未深考又此碑楷書孫氏星衍曰楷書之見於碑碣者始於此





金石錄
卷一

三

